

真  
松  
閣  
詞

真松閣詞卷三

金匱 楊夔生 伯夔

後庭花

今閨人多以煉石作釵碧光若翡翠卽飛卿  
所謂瑟瑟釵也

花題攢艷春綠荷纖莖新通夢水精枕濃拋夜半雪  
雨如塵熏鑪悵望淒涼擁髻人

高陽臺

辛未正月重至德清訪修能於畫扇齋春雪  
初霽白雲半山酒邊榭觸因成是調是亦牧

之感杜秋而命篇義山哀柳枝而寓墨之意也

晴渚飛烟空潭響雪那堪客裏孤吟似葉輕帆隨雲  
曉入蒼城竹聲一片蕭蕭處合有人中酒題琴最無  
聊紙醉金迷別恨分明年時苔老西湖路記折紅  
水檻舊夢重尋雨黯斜山淺如寒女眉痕也愁花網  
霜風早向歌樓吹去秋鶯更誰憐波際蒲香簾底蘭  
塵

生查子

立春日雨

明即念  
人嬌

剪燭畫簾垂夢醒寒如許莫厭太蕭蕭第一番春雨  
橫笛到梅邊笑問誰分付片片北山雲吹入香深  
處

古梅曲

題羅兩峯山人

聘

鬼趣圖橫卷

其一澹墨點  
昧隱隱有面

目肢體諦  
視始可辨

吁嗟黯慘怪是何情狀圖來幽變此輩原無真面目  
喜怒哀歡難辨癡聚紗蠅倦迷綃蜨悶倚蠟螭檻春  
塵一撲野烟吹散還歛 當年傅粉疏狂拈花調笑  
試問誰曾見縱使飛燐能照汝也作星星荒燄同伴

調即柳  
梢青

相逢難成知己澹宕論交淺松門月黑鬼車時近時  
遠

隴頭月

前題

其二一鬼短衣僂而趨一鬼奴  
從藏上體以手挂腰骨節可數

瑟瑟蕭蕭潛行曠野乍出蓬蒿人太奇窮鬼何裨襪  
衣碎於蕉天涯魑魅相遭且莫把無能見嘲知否  
人間多君一技不過吹簫

山鬼謠

前題

其三一鬼衣冠甚都手折蘭花攬女袂  
女鬼紅衣豐鬋昵語旁鬼謠扇側耳

似聽

幻生綃展餘尺幅癡雲暮夜吹起女蘿窈窕修篁碧  
 潛向山阿含睇殘月底漸紅褪椒衫幾點西泠淚世  
 間娥娣便嬌靨傳紅長眉寫翠總遜汝妖麗 休相  
 謂爾許烟行媚視柔情一樣如水衰桃宜哭蘭宜笑  
 知否贈歡深意君悟未怕銷到無魂只好成烟矣門  
 前車騎算博帶戎冠日凡幾輩那解此愁味

滿江紅

前題

其目一矮鬼扶杖據地一小  
 鬼捧酒盞就矮鬼吻吻張

抱甕凌兢且莫問長安酒價無人處偏工談劇暗鳴  
 叱咤不慣置身樺燭畔自撺醉倒黃茅罇弄觴餘何

地可容君侏儒袴 晴簷底桐花謝紅牆側榴花妬  
問誰家宵醺叢祠荒社畫索根根聲未絕瓦罇醲醲  
香初酢道劉伶已死阮生天吾來也

擊梧桐

前題

其五一鬼瘦面長垂綠髮至腰左手作

武越數丈腰腹雲氣蒙之身純作青  
綠色山人自云焦山寺中所見也

皮骨青糊鬚眉綠翳何物雄心骯髒其形模似可想  
東陽夜惟長平蝸蝸合呼昔日靈樞擲筆志異劇談  
抵掌踏破龍湫擊碎蛇淵幽歎妙高臺上下瀨樓  
船橫江士馬不盡古今俯仰潮欲白海門寒足底魂

魂烟浪羨爾此時豪氣人間定有監儒悲說那得頭  
銜似彼序黃墟亭長

楚雲深

前題

其六長頭而饒者一鬼身不及頭之半  
頭之前見二一銳上一混沌然若連若

片且  
商

後  
我寒麥粥甜蠹老青編舊人間將相才莫笑其衰醜  
能作十萬言運此枯桑肘勿使祖龍知一炬隨身

如此江山

前題

其七風雨如漆一鬼俛首疾趨一鬼張  
繖其後一鬼導其前一鬼頭出繖上若



依倚疾走昏黑淋漓  
極遑遑奔忙之狀

洞庭波黑青霓死漫漫九幽風雨破葛襟敗荷作  
嫩濕翠半肩遮住幾多酸楚在瑟縮飄時零丁行處  
縱過秋墳匆匆不唱鮑家句 北邙又誰相約向青  
林黑塞不定如霧棠葉寒凋芑花香澀慘憶飄飄荒  
語此行良苦說松劍雖存榆錢拋去相視嘻然滿身  
泥色古

小樓連苑

前題 具八楓林古塚間雨齋樓齒  
齒對語自骨支節巉巖然也

曹蜍李志奄奄阿誰具此嶙峋骨藤根膠結桂枝偃

塞陰天紂絕除却宵魘難詳其語咻咻啗啗只可憐  
墮地支撐奇氣少一點甚宏血偏是照君明切有  
秦時半規銅魄連環瑣玉玲瓏刻楮總輪凹凸殘夜  
霜清長空雲斂還宜藏拙恐明朝飽粟人來錯認是  
溝中瘠

過秦樓

欬蜚盟寒剝蕉心碎小病藥鑪烟側湘娥幽怨抱瑟  
空江孤負絃聲廉折可憐桂子荷花吹盡靈芬舊情  
消歇縱樊川刻意悲秋折贈一枝蘆葉經幾度鳳  
泊鸞飄重尋珠唾苔荒椒壁好夢生遲新蟾圓緩只

有愁來偏急亂割秋昨酸風如剪淚痕袖底漂碧怎  
人歸鄉國仍感天涯離別

齊天樂

邀商塘蘭屋

翊

昆季食鮮荔支

海山風雨樓頭至餘馨暗生花籠螺甲金迷蝶綃香  
潤消得紅塵飛鞢閭娘眠夢乍一顆孤懸翠釵烟重  
珠唾誰尋輪伊調舌綠含鳳西窗晚涼猶凝龍鹽  
乘醉碾俊侶堪共月額泥雲鏡心拈玉莫似湘波微  
凍精簾斜控記乍齧甘脣夜深潛送無計圍塍新晴  
和露種

浪淘沙

薄暮獨登樓。歌變誰酬。新涼脉脉到簾鉤。如此園亭  
秋雨裏。應有人愁。山自繞蘋洲。烟水空流。料他瘦  
玉裊。衾裯雙燕不知。商女怨飛近孤舟。

瑣窗寒

舟過閩閭懷錢翠微

綃幔飛棉錦。街翦綵。將春趲送風亭。雨驛費盡鶯啼。  
無用奈驚回。寶釵樓上一番小。叔姑蘇。夢更憐予三  
尺低篷。載得庾郎愁重。愁重誰與共。憶倦停箏雁  
靜。遲蕭鳳。香塵寂。慙漸漸。翠絲簾縫。盼花間。鈿車未

來數點粉雲凝不動勝而今烟渚昏黃孤琴藏楚弄  
生查子

雨泊笠澤口

湖雨碧絲絲鷺靜春潮急小市賣漁簑塘北蒲堪結  
深樹翠烟生酒戶孤帘濕一陣晚晴風獨聽疎篷  
滴

歸朝歡令

夏日齋居

無人小院香塵滿長日晴多古牆暖遊絲瘦懶挂槐  
蟲金色老烏啼易晚迎風荷露單復雙映水竹烟

濃更淡何如松外出山雲行到空中自舒卷

琵琶仙

吳門戴竹友

延介

見東依韻答寄

暑約虹梁正詩夢一舸野情空濶魚浪細欲吹香泥  
涓溜涼碧看過了柳慳梅小算漸近吟鶯時節象筆  
籌花角巾換曉莫負春色 恰日暮秀句相邀向紫  
曲行舟喚游歷好共詞仙攜手挂藤枝長笛愁自遠  
尋詩來去任山中霞老蒼石第一怕見飛花蜨衣迴  
雪

卜算子

孤笛柳塘風夜鵲江橋月艇子西州歸不歸草綠湘  
陰驛離恨苦迴腸別淚酸盈睫果是相逢一種愁  
懔懔真難說

木蘭花慢

錦樹林弔玉京道人墓

絮飛斜日暮又愁聽夜啼烏奈淺水芰荷幽山薜荔  
翠總模糊當年畫箏聲裏恰一行錦樹闌銅鋪今日  
鷓鴣墳畔殘碑三尺誰書銷除綺劫夢回初燭燼  
燕簾孤便悟徹桃根試參棄葉身感塘蒲難忘柔柔  
魚婢也隨波磬折玉孃湖贏得斷魂歌令秋陰數剪

薜蘿

百字令

國初吳將軍六奇贈鹽官查伊璜先生皴雲  
石向屬顧氏今爲馬容海光祿所得

峴顏戍削怪移來海上一峯孤碧斜日摩挲題字在  
誰識箇中波磔育育春雲英英曉雪大似淮陰客尋  
常舊雨天涯多少車笠 卻憶睥睨營門長圍高譙  
鼓角搏蒼骨攜伴孤山林處士幾度草堂烟月苔黥  
香癡梅銷僊叔古綠藤蘿折更番位置拂衣寸寸秋  
色



謁金門

誰信你卯酒便能濃醉一事不成春過矣無言鸚鵡  
睡且換錦熏沉水撿點亭前幽卉惟有海棠飄暗  
淚露原深夜墜

生查子

贈燕

燕燕尾涎涎烟裏玲瓏語茅檐與畫堂一樣同流寓  
三兩樹桃花四五番風雨我怪古詞人說汝陶春  
去

慶清朝

遠山

林斷湘川沙穿郢路飄飄清氣乾坤橫江如笑悠然  
恰對柴門最是晚晴賦後輕雲平抹抱天根終南遠  
酸風千里一騎孤征 幾度漢宮妝曉倩蛾眉畫手  
鬢低微侵高樓倚逼近來隱几無人料得結廬塵境  
只憑風雪入檐深凝眸處縠烟綃霧乍合還分

淒涼犯

孤村

日微華子岡頭路依稀犬吠遙陌墻圍平楚街通古  
道地偏窮僻酒帘如葉在老柳陰中挑出近黃昏幾

家翁姥問訊遠遊客 我已飄零慣倦拂征塵卸裝  
驢側餘風凜撲覓當年隱淪人物雨漉漂流有高鳳  
半庭寒麥賦歸田柴門徒倚懷靖節

西子妝慢

秋水

烟色初晴波痕小縮一片薄羅新研半篙殘淥破涵  
蘋盪天光碧鱗開乍銀灣如畫誤潭底風吹雲化問  
天涯任沙翻浪捲迢迢清灞 頓添人搖落心情岸  
瀾芙蓉謝載將紅葉出荒溝奈離愁水天難寫故溪  
吟社有三畝菱田分汊待他時招我盟鷗翩下

八歸

寒鷹

濕胸雲立摩霄州斂眼底太華三岫少年誰是新豐  
客好共登臺縱飲仰天搔首看到忘言心轉壯正翮  
健風平時候乍神駿一脫霜鞵輪爾羽毛厚我憶  
驚沙掠面茫茫濶磧曾向涼州西走慘聞笳落高盤  
塢起睥睨下翻烟藪問天山雪密野騎寧無射鵬手  
還相約明朝結社放雉秋塲銅鉦懸古柳

子夜歌

碧天新雁橫西浦清秋寂寞蘅皋路疎柳尙遮樓樓

中人在否 短歌徒怨別蘆折鷗邊雪返照逼秋光  
一江離恨長

南柯子

竹裏人家舊溪邊漁網空炎涼時序忒匆匆昨日賣  
瓜棚下賣秋蟲 我欲成孤往誅茅向翠峯不知雲  
隔澗西東自愛手香和露折黃松

更漏子

一縷雲攏素手單股燕釵微溜黃蛺蝶翠薜蘿香坡  
如畫圖 羅巾濕香綃易儂又悲來淚滴歡別後沒  
人知有悲無淚時

浣溪沙

鄭婢蕭奴亦捧心  
敲詩刻燭一枝簪  
是何滋味是如今  
鳥盡能言鸚鵡去  
花都含恨碧桃深  
橫琴惘惘翠微陰

賀新涼

記夢

北斗光新沐掩閒門  
宵深寒醞帶羅塵  
綠照夢一燈  
金爐暗夢裏  
楚山修竹其上有穿雲飛瀑  
錯落冠巾  
黏蕊粉發幽叢  
孤島花如菽  
天乳滴碧盈掬  
琵琶碎響  
琤琤玉正澄  
空銀河欲瀉  
濤洞波曲  
青鳥停歌

鸞矯翅重把單釵偷卜總無奈芳心似束又送春隨  
樊子去惹淒馨淚點緋衫角身世恨遽然覺

木蘭花慢

癸酉秋闈報罷出都有日矣蔡浣霞 鑾揚儀

部招集諸同人於計夢室賦此留別

城頭孤角動霜月苦亂星高正雁拍微雲蟬潛冷綠  
人聚疎寮只此十年一見算半生能得幾今宵況是  
儀曹詩俊數行澹墨裁綃更番分手玉河橋莫又  
說來朝道衰柳欲飛桑乾東去愁恁迢迢落日坡陀  
高下有疲驢臥夢出燕郊回首一時裘屐惹人添倍

無聊

臨江僊

廣陵舟次

日暮高城聞戍柝。避風客又登樓。齊梁潮自蕩春鷗。  
青霞橫北固。紅杏發南州。倚劍壯懷悲老大。十年  
重悔綢繆。徵歌拋盡錦纏頭。艷迷花外。憤涼散雨中。  
鳩。

南鄉子

聽雨

記聽屋山鳩。零斷行雲雨未休。搔首夜庭無雁度。柳



州漫漫寒江正穩流 何必鈿箜篌誰會歌傳白雪  
謳紅濕一燈尋晚巷深秋賣餅聲能使我愁

壽樓存

題羽素夫人綠梅影樓填詞圖

看簾波纖橫正高寒寒曙編月霄停最好鈿箏數弄  
翠禽無聲樓宛轉烟瓏玲似雉神風襲伶僊縱淺笑  
妝成怨蛾自綠粉字咽淒聲 麝丸細羅幃輕倩枯  
花纖手寫出盈盈可奈水西雲北袖迴飛英聞楚角  
哀湘靈怕淚綃啼痕分明問後夜昏黃紗幮有誰移  
碧藥

湘月

前題

芸

蕊淵

舊時月色照新愁。點點誰與評。泊吹笛南樓破曉，  
霽霜澹、星珠箔。緘怨湘中憶，春隴上、寒淺三分。  
萼隔花人瘦，石闌新句，重續。彷彿起舞，瑤妃風  
鬟零亂，妒殺橫江鶴。半枕遊僊。算慧業、一縷靈緣。  
堪託檀粉，輕銷空香欲化，寫夢羅屏角。官移羽換，  
翠禽枝上偷覺。

木蘭花慢

同人集真松閣分題得銷寒圖

圍鑪剛炙硯銷九九記紅紅乍夢澹烟圓愁疎蒂淺  
影倩燈烘簾衣曉寒初釀惜餘熏微驪玉釵蟲寫幅  
吳綾滑笏脂痕薄點能工湘東路杳杳通人不見  
碧山空算竹外枯筠雪中柔屐幾處曾逢難迴壽陽  
嬌態換春妍要數杏花風明日塗妝天暖漸看綺陌  
泥融

杏花天影

偕張錦漪

闕居

遊會稽吼山

曉僧掃雪開松殿并幽夢清愁一片待他樵客抱薪  
來好倩折梅花近古堰憑東檻晴陽翠變尙靄靄

雲生絕巘落然寒事在山家最美小泥鑪新芋飯

水調歌頭

歲暮飲酒

濯足必溟渤倚劒必崆峒此中惟宜飲酒顛倒玉瓶  
空數點鴉來河朔正我一壺一鍤其趣幾人同太息  
復太息門外北邙風歌欲泣狂欲舞瑟難工樵乎  
爾豈無意白日井陘東不見南山松栢上有微雲繚  
繞根拔起蒿蓬剪燭耿霜月老屋凜然冬  
無事則卜飲掩卷夜何長陶陶適此樂國一竿復三  
觴噫彼乾坤二鳥道豈不同鷄鵠抗手謝庚桑兩頰

覺微赤媚若古姬姜 縛腰鼓騎屋棟飲黃麝莫教  
平子絕倒風竹頗低昂 我有步兵卮酒雪暖且煨烏  
芋素手擘紅蘆醉與老蠮語鶯鶯破昏黃

夙喜學辟穀願酒滿鴟夷龐公不入城府百禱足松  
籬皤腹貯書萬卷安識必非糟粕歌哭自淋漓撫掌  
拍銅斗哦澀孟郊詩 更三打鷄三唱莫然疑片雲  
濃似褐石荆氣果淒淒輸爾百年貂鬚照室紅爐如  
電春女熟筆琵琶析入深巷寒犬泣孤羆

漏盡四十刻酒始味其醇長星勸爾一斗世事屬浮  
雲少日舞衫歌扇蘭燭光搖蠟螭鉛淚迸銅昏誰復

知許事粉墨醉紅裙 鷓鴣勺重斟酌謫仙人東家  
亦具新釀苦澀且濡脣而我獨觴獨詠毋乃雜耕心  
血吾自悅吾魂曉角破烟夢霜鶻睇空樽

臺城路

題清微道人空山聽雨圖

空巖水珮寒 琴去泠泠滿絃風雨鶴冷衣雲猿靈掃  
葉小結華鬢香字燈涼爾許待蒲火青時覺花微語  
莫賦秋聲一籬慘綠是愁處 亂烟沙路幾折夢回  
欹瘦石苔老今古金粟牋紅劍珠塵碧恰稱澹妝眉  
嫵曉晴簾戶見海色長松蒼寒如霧悟後談經定應

逢鹿女

燭影搖紅

綠暗湖心。纔絲風雨。樓頭急歸舟。縱緩勝漁篷有。撇  
波雙楫。一晌晴霄空濶。託鄉心。雁書多疾。如今鎮  
被暮暮朝朝。冷雲遮隔。

好事近

獨遶杏花街。撲面一雙蝴蝶。畧欠淡烟疎雨。做江南  
春日。少年曾記客維揚。二十四橋側。早又輕衫駿  
馬。遍綠楊城陌。

戀繡衾

擬元人張小山體

錦牋一幅書半張說相思先寫數行囑小燕銜將去  
到伊家尋著秦娘 葦蘿村畔垂楊下看灣環秋水  
出牆定等箇河中鯉帶書來同覆阮郎

鵲橋仙

曉鴉

曉鴉啼了星猶無數未絕嚴城更鼓問他何處覓生  
涯便如此嘯嘯飛去 延秋璧月臨春瓊樹知是幾  
番今古又來荒陌送行人向烟外呼兒喚女

賀新涼



讀西清散記感賀雙卿事

慘上新眉黛向江南  
稊桑村畔泣花製  
誅懼綠悲黃  
歡緒少一種人間愁  
懣儘腸斷曉炊烟外  
青瑣鸞鴦  
金雁瘦早春寒好倩  
倉庚耐想標格拈梅蕊  
橫波  
黯黯時藏淚便而今浣衣圖底清  
鹽善昧神女烟鬟  
原竊窈沅芷湘蘭宜佩真不願夙因重再風雨消完  
紅杏劫任秋來戢戢多蓬艾殘月底一卮酌

思佳客

只恐相思總不真  
當胸藏鏡暗懷人  
春能釀夢天多  
雨梅欲籠香地有雲  
釵折股簾連心古祠阿壁寫

招魂憶從蘭破輕輕語宋玉衣裳染楚芬

好事近

早說與君知愁有愁來時節不見雁烟蛩雨做黃昏  
天色箇人心似玉闌干曲處多於直今又把書無  
語在燈邊開闔

江城子

重過西湖見桃花感賦

艤舟繫馬苦匆匆板橋東見殘紅消受釣絲風後綺  
羅風只怕笙歌收拾去遺恨在淡烟中西陵油壁  
幾曾逢掃寒松夜雲空輸爾凝妝一笑絆春蹤平碧

詩集卷三  
七  
悄然鷗鷺少來數箇暖遊蜂

鷓鴣天

讀了南華悟隱機又分琴鶴欲貽誰有人高比林和靖只欠梅花不嫁伊  
烟動處艣搖時湖邊今夜玉笙遲待他簫鼓歸城去明月光中我自吹

浣溪沙

訪參松禪師

水樹圍菴綠一叢聽鐘猿坐夕陽峯定中無想自成空  
南埭附書遲曉經北山吹夢約秋風苔黏屐齒  
問幽蹤

烏夜啼

惜春春去匆匆怨殘紅曾聽錦鳩呼雨入吳淞  
數  
不盡千帆影被西風只把離愁吹送過江東  
湘簾卷上銀鈎謾凝眸却憶鈿車初駐謝橋頭  
綠  
如帶西陵水繞溪流流出蘼蕪數剪剪新愁

真松閣詞卷四

金匱 楊夔生 伯夔

蝶戀花

冬釭樂府二十四首并記

予自丙寅都下與伯姊相別一羅預頃已越八載  
跡此八載中予居里閭侍親左右閉門息軌者僅  
兩閱寒暑耳餘則棲棲客游嘗乘短舫穿松陵抵  
杭越數往還于大江南北間卒無所遇惟羈愁寥  
落中山水之樂友朋之歡離合聚散之感爲古人  
所惜思有以聲之而未暇也今年秋予三試京兆

不見收時姊夫秦君

承需

爲涿州牧遂至官署得

與伯姊晤驪袂話薺苦兼詢予別後所爲學嗟乎  
予則阨窮之境相尋進不能登承明膺文學研幾  
之道未及退不能著歌謠爲訓詁愧未有以應也  
越數日霜月夜白冬釭熒然澀塵飄風時聞檐鵲  
畏寒瑟縮戢羽聲北地苦寒光景奇絕因念向之  
所謂山水之樂友朋之歡離合聚散之感已渺焉  
若夢殆將聽其不可得而知也耶爰就燈下伸紙  
波辭愴懷追憶紉然夜鼓將半得詞二十四首伯  
姊素喜誦迦陵烏絲詞中蜨戀花曲故效其體若

夫魯望昔日集號松陵成式當年辭名播括明日  
舉示伯姊爲墨其簡曰冬釭樂府蓋繫乎其時也  
癸酉十二月十有六日

最憶家園初破臘是處江村社籜新醅辣晴日苑南  
烟匝匝雪消筇過梅橋滑三尺槿籬風軋軋曉望  
龍山山色青排闥鈴語幽修松吹雜古愁飛上山椒  
塔

最憶爐熏銷鵲尾趁燕褰歸草甲青回未一點晴窗  
春意思暖遊蜂至藤花紫百五韶光風廿四硯潤  
紅絲雨熟黃梅子竹巷柳門生曉翠酒旗低颺斜檐

字

最憶追涼憑曲几小閣三楹已覺秋生矣石上種松  
添雨勢宵來便有濤聲至薄暝園林空翠裏詩思  
叢殘閑擘澄心紙窗網疎疎風細細篆紋不定簾如  
水

最憶茶鐺烟斷續坐近鬢雲簾捲真珠軸薄黛一叢  
簾外竹潤花小雨斑斑綠絡緯齊鳴闌四角同話  
秋邊那箇秋宵促剔燼明釭釵綴粟盤中詩愛迴環  
讀

最憶輕潮移短舸結箇藤輪却愛當風坐風戰扶根



聲漸大落帆船又穿橋過 鳳泊鸞飄愁似我夢別  
西灣荷露盈盈墮水木清蒼雲澹沱三高祠畔垂虹  
左

最憶金閨曾小住璧月當頭人向章臺去不是玉韉

笙暗度崑山腔管三絃鼓

漁洋詩句

綠水橋邊吹粉絮

消得門前畫箇鶯藏樹淒斷野棠寒食路吳兒解記  
真娘墓

最憶轎窗迎淡旭路出桐橋漸近靈巖足撐廢釣船  
寬似閣四圍魚漚如闌曲 亘古長蘿纏苦竹雲上  
經樓檐吻含蒼綠夢裏館娃宮漏促鈎婁老樹鵲鵲

哭

最憶佳招堪踐諾  
帆葉欹斜晚過分  
湖泊野水到門  
風綽約  
蚓歌細歇  
蟬琴作  
已近黃昏  
燈映幕玉井

星懸酒夢和烟薄  
翦翦短松青一閣  
詩成好放林宗

鶴

已巳夏郭頻伽見招赴魏塘夜話  
靈芬館中翦松頻迦新葺閣名

最憶雙橈湖上送  
如鏡西湖翠蝕波  
心對我弔靡蕪

蘇小塚可憐  
溪女歌么鳳  
暮色欲沉輕靄凍  
盞飯

僧歸又聽疎鐘動  
深竹暝禽圍碧夢  
此間合把離騷

誦

最憶雲棲雲滿塢  
笑我疏狂侵曉尋  
詩去此處漏天

宜竹補斜暉明滅飛鸚鵡 泉畔碧衣逢浣女絕勝  
行吟翡翠洲邊路撲髻涼疑飄夢雨一枝葉上清清  
露

最憶嚴灘新雨漲嫋嫋珊竿靜戛玻璃響天際碧雲  
時蕩漾錢塘潮接桐江浪 波自出瀧船逆上七里  
無風翠逼天如港采藥人騎龍背往暮聞漁父西巖  
唱

最憶三衢經舍側高閣三層曉夢玲瓏徹檐日陰陰  
風拂拂桐花墮砌烟垂葛 園吏侵晨爲我說秋老  
荒園井底甘泉活井上仙人曾種橘食香橘蠹經霜

蟄

最憶阻風江上夕夢覺孤篷怕聽涼潮咽一帶蒼林  
昏似墨病鴈悶斂煙中翮酒盪襟懷愁刻骨越角  
吳根幾度傷離別誰弄嗚嗚瓜步笛秣陵天遠秋陰  
濶

最憶觀書纔數卷無意貪程已泊淮南岸默度雲羅  
鳬雁遠纖纖眉月黃樓短旗向茅檐疎處看酒賣  
漁磯婆餅香於飯颺落檣燈官驛暗冒篷夜讓蘆花  
慘

最憶虹橋三月暮裙屐相逢載酒盟鷗去雲白渚青

天未午尊前禪智山光古  
腸斷玉鉤斜畔路草色

如茵第一埋愁處新月夜深來廢圃葦花初秀聞蛙

鼓

至酉三月予至邦江間塘邀同昆陵李  
龍村商豐陶香泉修飲紅橋談飲竟日

最憶倉山樓閣好水作青羅山似秋雲峭躑躅拒霜

紅未了菊籬又綻黃金小  
今夜懷人詩脫稿路熟

池塘烟夢尋芳草愁殺汝南鷄唱早蔚藍天淡銀灣

曉

懷蘭  
郎

最憶闌風飄紫棟春去秦淮特把飛花餞艇子不歸

潮自遠小姑溪水流清淺  
日暮喉珠拋一串紅藥

娉婷現出宜春面嫩綠放檐人倚檻尋常可識盧家

燕

最憶酒醺逢卞賽銀字箏調細卷珊瑚珮我自多愁  
卿善睐橫波光在青衫袂薄畫修眉勻淺黛亭午  
輕雷恰墮銀塘外怪底晚晴簾顰顰美人虹影翩如  
帶

最憶攝山堪結夏野次崢嶸細竹倪迂畫日沒玉羅  
天可訝白門數點霞如赭鶴唳蕪城猿呌夜蘿屋  
眠琴夢逐江東瀉江令墳荒烟碧化當時逆鼻愁蘭  
麝

最憶具區乘曉漲三兩舂鉏亂拍灘流響未及石公

朝旭上一峯蒼翠先相向  
我倚鹿門華頂杖蕙帶  
荷衣便可餐霞往壘石松根爲薌盎秋雲縷似炊烟  
颺

最憶霅溪溪畔泛細柵平橋  
挾雨吹如霰烟向白蘋  
洲上澹重添柳暉樓遲感  
蠶婦宵忙鳩婦懶縛箇  
蘆簾看結同功壘陌上籠鉤  
桑早挽春寒今歲三眠  
晚

最憶蘭亭秋雨後修竹清湍  
往迹消沉久空翠亂堆  
山更皺一峯玉立尤奇瘦  
小帖換鸞藏弃舊不見  
清狂懷古重搔首野鶴晝鳴  
風咽脰松膏香澀藤筋

陋

最憶采香鷗鷺國漫水平隄漾得春愁濶越女浣紗  
波似織薄羅袖底漂煙碧兀兀烏篷雙畫楫挂起  
蠶窗卧看山重疊破暝一痕移柳陌苧蘿眉影初三  
月

最憶銅坑霜色凝野老扶藜導我探梅徑支遁不來  
峯態俊鶴眠夢逸疎香頂潭水東西孤月迥

潭東  
潭西

鄧尉村名一樹橫斜此景誰消領白石仙持寒女鏡照他  
淺水春妝靚

買陂塘



偕蘭塘遊督亢陂

向天涯孤雲一笠暫來輦翠邊住青山橫絕長松暗  
隔斷軟紅塵土村巷古有荷葉遮門不受閑風露底  
須歸去趁參昴光中紗幮婀娜隨意寫新句 東臯  
路野色亂侵冠履稻涼吹蛤如語桔槔灌壤新泉潔  
聲似烟中柔櫓勞仰俛算爭及竹車踏水江郊暮我  
歌漁父夢綠髮仙人琴高溪上白玉鑄鷗鷺

前調

顧翰

同作

帶平林眉痕淺碧吳山無此清遠斜行白鳥低飛

去又踏銀紗輕軟秋思換怪巾履蕭蕭衣上蘋香  
滿野煙不斷看敗蘄周圍小橋曲折徑指酒帘轉  
迴溪畔覆屋蘿花短短涼陰十畝先占當窗試  
凭烏皮几忘了北風河漢陂水暖正種後魚苗綠  
比鞦紋染裝成行卷怕疎柳明邊一方夕照難得  
淡金糝

青玉案

范陽城南有邱一乘野花倒垂綺罽菴澹如  
釵如旒予偕藺塘往遊藺塘輒採歸以供盃  
案感物興懷爲歌是詞

斜陽脉脉含哀麗。正人唱旗亭裏。猶憶少年遊冶地。  
燕昏鶯曉。上津門外。萬點淒涼淚。織羅空把離騷  
記。誤認先生籃有蕙。冷落荒烟。圍斷墅。江淹賦後東  
風多恨。吹碎愁根蒂。

風入松

偕蔺塘露坐鼓樹下。忽黃葉一片飄落。團扇  
上各賦一解以寫之。

絲絲翠露滴蟾蜍。愁坐奈清癯。羅紉薄。受飄零。葉剪  
圓。葵借色堪圖。我憶花叢撲蝶。昵他紅頰。吳姝班  
姬夜泣掩瓊梳。生怕近秋疎。舞餘莫唱。褰垂綠。說黃

集賢堂詞卷四  
八  
絕畧解仙書明日因風飛去輕於青女烟裾

前調

同作

顧翰

秋光如水漾闌干團扇約新寒孤雲一抹渾難畫  
天涯恨吹到疎紈縱似額黃顏色可憐不在眉端  
林梢脫葉下琤然誰刻小琅玕分明纔著蟲絲  
裏向風前又誤輕蟬合併絳衣蕉萃緘愁同上長  
安

應天長

桐溪惜別圖爲方鐵珊

廷珩題

蒼然喬木斜陽戀聽過疎鐘離却岸江如練風如箭  
帆與飛鷗同不見別了桐溪宴且飯松陵菰芡今  
夜笛聲幽怨新詞吟贈雁

澹紅簾

無射宮自度腔寄內子

薺麥孤城是那角麗譙吹徹風葉填渠寒苔篆井切  
切蟲娘荒織空題徧多麗香詞正燈漏澹紅簾隙夜  
長一片秋聲怪被桐飈偷接相思萬里頓隔問臨  
妝翠釵幾回驀地輕擲淚浥羅巾塵拋玉局憶我天  
涯遊歷想前度鷺老晴湖更此際鴉驕烟驛可憐獨

對黃花應是不勝淒絕

一萼紅

澠池道中

短轅輕只沙瀾如海野路怯孤征奇石荒蹲恠松陰  
拱夢中無此幽昏更一片函關雲黑有出林鵬閃戍  
樓燈浩蕩空懷蕭騷短鬢總被塵侵顚顚庾郎年  
少說風巾雨屐合賦登臨泥有蹄痕草無露氣匆匆  
不算歸程儘數通南箕北斗盼青帘衙日入山城怕  
聽河流萬里古岸沙崩

壺中天

中秋夜途次漳水

茅檐風靜正凌華，僊鏡一丸孤潔笑指漳。  
流明似練疑有泛棹，狂客玉雁鐫天銀鸞照水。  
金虎秋無跡，吳鈎漫撫未知今夕何夕。  
當日銅雀春深，鄴宮花紫，撲地歌雲熱。  
轉眼繁華隨薤火，也似灰飛烟滅。總帳塵空，望陵人去，羞向姮娥說。  
分香賣履，阿瞞自負癡絕。

貂裘換酒

秦川懷古

繡嶺烟光沐歎書生青驄蹀躞古懷棖觸細草輕泥

唐輦路頭上秦時月落數貂髯百年哀樂孔雀松殘  
鴛瓦碎聽草間哽咽長生鹿又吹起戍樓角誰家  
種柳真成幄仗東風婆娑官野亂垂烟綠鄠杜鶯花  
餘涕淚過了幾番樵牧問何處長陵喬木灋水依然  
明似鏡照玻璃碑壤銅仙哭望燈火數家屋

菩薩蠻

過華陰

破車羸馬投霜堡唐陵漢闕埋秋草弔古獨看山戟  
書西入關盤渦清渭轉沙樹秦川遠鵬起嶽天雲  
荒碑立暮曛



漁家傲

見山亭賦落葉

節過重陽風景異亭皋漸有秋闌意隴上山鴉團一  
隊霜色裏無人茅屋何年閉三兩吟蛩藏草際難  
尋前度題紅地獵獵西風吹渭水千萬里亂愁來處  
君知未

菩薩蠻

咸陽早發

茫茫灞漭愁無限當時只繞秦宮殿貰酒小村墟長  
烟柳覆渠九疊橫截業蒼翠看如積細火落雲中

殘星流曙紅

清平樂

寶鷄驛

峯圍三面柳拂鑪亭  
寢聽到灞陵霜角斷  
自覺漸行漸遠  
村頭紅日初斜  
炊烟意欲爲霞  
縣僻不知城處  
來詢傍驛人家

生查子

曉行入棧

淒淒田野間  
我自搖鞭去  
萬嶂忽前陳  
深樾何修阻  
清流斷路泉  
蒼起孤城霧  
村夜虎夔藩  
棧側蟲雕

柱

青玉案

煎茶坪 坪高出衆峯上俯視四山雲氣如  
沉瀼又名煎茶嶺其山東橫隴坂西連太白  
出入雲表爲入棧第一雄塞

晨躋磴道雲猶晦纔一霎穿雲外慎莫輕猜鵬蠡類  
茫茫覩此橫空巨點已覺鵬鵠大 幾人得到清涼  
界爲怕天心罡氣礙腦髮森森風結硯終朝瀕洞吹  
完今古怪底雙丸快

鷓鴣天

大散關

一徑谿舂百級梯四圍叢碧萬松齊  
清猿隔磴餐紅藥老雉穿花亂翠微  
烟漠漠霧霏霏藤垂奇壁古  
仙衣人來山店天當午便乞樵風爲掩扉

漁家傲

散關迤西雲壁迴絕巖半有佛寺松偃竹衰  
竊然而深夜宿于此爲賦是詞

碧宇澄澄霜色凝東菴門掩惟聞磬童子誦經聲可  
聽三更靜如盤月上青松頂古意淡然琴作枕爐  
香細傍櫻檐定我欲入山無路問雲垂嶺紫芝泉曲

分麋徑

側犯

五丁峽 兩山奇石屹立激水流經其中

西窮磴道殊形詭類攢峯列矛戟看奇者獅蹲象跛  
立嵐漪囁石齒哀韻千琴瑟風賤棘枝哭冤天古鵲  
魄 東方子牧犢兒何物公當得五丁力任褻延竟  
使蠶叢闢雨漏巴天頽雲瓦色烟昏巴峽拳松龍蟄  
鳳凰臺上憶吹簫

鳳嶺 又名鸞鷟山直上二十里人馬踏石  
稜上行

鴉矯荒寒鵲翻落月仰攀蘿萼高征盤空野鶻羨汝  
身輕我似退風倦鵲飛還歇弱羽飄零沿岡去松杉  
排竅翠刷如翎 亭亭峰頭鵠立認岐南分野朱鳥  
星明何來唳鶴杳入青冥和爾一聲孤歎還疑是臺  
上呼鷹巴賈曲笑他蠻語爲演禽經

桂殿秋

自鳳嶺至褒城一百八十里皆穴山架木而  
行歷代有棧閣二千九百八十餘間總名之  
曰連雲棧予過此憶及劔南集中有三峽詞  
九首爰拈是調卽規仿其意作連雲棧詞答

彼樵唱

武關北散關東蜿蜒一綫入蠶叢朝來遙指金牛峽  
白閣雲連紫閣松

峯頭屋嶺邊村負苓人唱日斜曛清泉白石了然在  
谷口誰爲鄭子真

風料峭雨淋浪客魂悲愴路偏長何來邏迤琵琶曲  
斜谷鈴聲宮應商

穿雲去入雲迴仙持鸞尾掃雲開靜觀竟日人旋磨  
大似爭邱羣蟻來

清澗側亂烟中家家修竹賤如蓬曉尋鹿女編爲屨

夜禦熊人曲作弓

黃峽蜺翠蜻蜒峽颺颺樹葉泠泠輿夫仰脅疲牛喘  
鷄幘高如朝玉京

乾桐葉苦松花女郎祠畔襍燒茶明璫翠羽渺何許  
留得石羊看月華

拈短笛寫長吟山川殘夢入枯藤千年花洞籟丹竈  
無復青囊映竹燈

蜀道易蜀道難長蛇猛虎守嚴關任他竿馬通秦塞  
魂汝歸來莫往還

鵲橋僊



寒甚過北星長橋

紅闌干好碧闌干好可惜不多幾里何妨曲折繞疎  
簷一徑到魚鳧國裏烟昏峭壁寒生孤崦微有陰  
陰雪意人家強半入雲居往往見神仙遊戲

謁金門

曉發南星驛

霜華凍戍卒醉爭乾糲燃著豆藍紅屋棟暖偎孤驛  
夢呖喔晨鷄初曉喝馬呼牛聲聞人自出門雲出  
洞四圍山冢冢

滿江紅

紫柏山謁留侯祠

滄海君遙竟倉卒下邳亡去縱當日再思狙擊椎難  
重舉力士不歸劉季用高蹤自許韓成佳只生平神  
與赤松遊英雄處身已隱陳倉霧功尙在嶢關樹  
說驚繪屠狗偶然爲伍見道甘求圯下履論封懣述  
沙中語任僊乎還往穀城山飄靈雨

眉峯碧

畫眉關

筍轎梭雲滑驄馬穿松匝行行巉過畫眉關又聽啼  
孤鶻一綫涼天狹萬仞僵峯插半空人語出叢杉

鑿石僧鐫塔

醉垂鞭

過柴關嶺宿大木樹

大峽劈孤門空巖罅纔容馬板屋小蠻村櫻花開暮  
雲適經疑虎處與夫語是松根樵唱翠峯昏如招  
杜宇魂

散餘霞

仙人關

寒藤織薜垂危壁似一重簾羃隔簾瀑韻成絃有飛  
仙琴室擬借阮公雙屐采山中靈木看他坐樹涼

猿曬斜陽掃蝨

解蹀躞

觀音碕 一名新開碕奇石插天犀株林立  
飛湍激箭凝爲深淵其色黝黑潭而不流憑  
高瞰下令人魂悸有碑在道左大書雲棧首  
險 國朝賈中丞 膠侯 斷石開道自此迄寶  
鷄九百三十八丈有奇遂于此置欄楯焉

峽逼陳倉古道翠落征衣上飛湍激箭風霆蹴龍象  
帶蘿衣薜仙乎伐藥采若人耶雲端飄響 輸天匠  
兩兩奇峯相向攬如獅鬼狀平施大礎誰曾鏟疊嶂

不  
模糊鳥篆蟲書幾回捫讀峻嶒穹碑十丈

歸朝歡令

七盤關 在褒城北每盤陡折而上漸入雲  
際下臨嘉陵江瀑流激盪濤湧波襄杳然有  
不測之險

寸人豆馬緣危磴路祇七盤行不盡碑匄萬瀑地爲  
尊只有峯頭天可問 身已漸高雲漸近木杪惟聞  
金刹磬此間鷄犬聞無聲想到雲中更清靜

南鄉子

褒城道上記所見

身老言老四  
極目緣周遮不盡樓欄桑與麻還要藏他青一片斜  
斜褰女開門竹滿家 漢水接三巴秦棧風吹蜀棧  
花煩語尋詩驢背客嗟嗟淚少猿多那處賒

臺城路

南鄭至沔縣七十里間平田遠水風景大類  
江南數日行鼠穴昏暗中至此通望周博心  
目爲暢作此以寄故園諸友

石中人出尋烟宿霜郊喜聞村鼓古棧鵬魂官亭梅  
影添倍征愁酸楚栗香誰煮記曾餉江南剪燈窗戶  
一點鄉心泊泊分付沔流去 今宵歸夢又杳數勞

生蹤跡重爲延埇街警銅鉦檐飛鈴鐃沙柵山兵驅  
席冷雲昏雨問烏道千盤尙餘幾許惻惻空寒鶴鳴  
風獨樹

少年遊

大安驛題壁書示蒲塘

昔年送客向巴東夢也到蠶叢杜宇墳頭麝香山畔  
小月如弓而今買醉三泉縣梅落凍旗風滿地霜  
華野鷹飛處斷塢沉松

昨宵雪壓樊侯橋寒氣毳征袍曉色迷離羣峰玉立  
獵鼓山坳明年與爾和愁聽金雁驛邊簫紅杏香

中呼來灼灼年正垂髫

木蘭花慢

途次寧羌州遇雪

岷峨三日雪作苦霧幾千層看乍漏微陽樹林枯處  
畧放分明綠知偶然朝霽踏嚴冰早有獵人行紉褲  
貂裘贖慘書生馬骨崢嶸城根石路迴縈全不似  
隴關亭歎孤偕官樓鴉攢空戍連歲租停葭蕀一方  
野麥候和風分與廢田青遮莫劣香草棘犯寒戢戢  
爭萌

感皇恩



晚渡漾水

漾水一條斜杳無帆挂聒耳灘聲恍奔馬蒙龍峯頂  
似有入雲禾稼悄然憐暮色誰能畫天東已暝天  
西未夜頃刻殘霞變紺赭渡頭漁伯隱隱兩髯煙話  
泊蘆雙舴艋印須借

徵招

朝天峽放舟至廣元縣 朝天峽一名明月  
峽兩崖各高百丈削立如壁門望之天迴卽  
之雲昏揚帆于中不寒而慄

就船下馬山奔放濕霜暗飄羌水萬疊更千重類天

公排巖蠹香陰火活簇蠶蘚老松無髓權近蛟窩潭  
深日暮裹身青氣 手把燭龍搖瞢騰裏照影恐驚  
山鬼古瑟裂僵冰正巖坳泉閱翠襟收祕色愁墮魄  
到天不易何時坐華屋春風賦池塘新霽

水調歌頭

昭化縣渡桔柏江

南盡岷羌道人出亂峯中山行鎮日已倦差喜坐吟  
篷雖少金尊檀板一樣曉風殘月烟柳碧濛濛江自  
隨靈鑿大壑縱魚龍 苴侯國在何處益昌東鷄豚  
鄉社所過彷彿似吳淞時有飲猿到岸我昔聞人曾

說此物是靈蟲見影忽驚去那比狎鳬翁

瀟瀟雨

劍門 其山峭壁中斷兩厓相嶽狀若崇墉  
峯皆北指蜀恃以爲外戶張載銘辭有云一  
人守險萬夫趨超良然

望巖巖誰製切雲冠高處拂陽烏帶幽愁秋氣石皆  
北向路總南趨全要天光雲影黯澹視征途十萬磨  
天劍鑄出洪鑪 此地幾經蠻觸問夜深碧火拜月  
寒狐又幾人魂斷細雨曉騎驢待寄語故園伴侶說  
詩人新有入關圖搖鞭去連山深箐怕聽猿呼

臨江僊

夜宿郎當驛歌此詞以自警

襤被饑驅風雪裏游游滋味如僧路長何事怕還憎  
席銜樵客屨鼠隱紡人燈自是元暉聞道淺平生  
悔學鸞吟畧經林壑倦攀尋隙颺聲盡鬼孤葉影凝  
禽